

Instruks for Kontrollutvalet i Norsk Sau og Geit

I lagslovene § 8, heiter det mellom anna under årsmøtet skal:

"16. Velgje leiar, ein medlem og ein vara for 1 år til Kontrollutvalet i NSG blant representantskapets medlemmar."

I lagslovene § 10, heiter det mellom anna:

"Representantskapet er eit overordna organ for styret og eit rådgjevande organ for årsmøtet, og skal føre tilsyn med at organisasjonen fungerer i samsvar med lovene og årsmøtevedtak. Styret har møteplikt og talerett i representantskapet, men ikkje stemmerett.

Representantskapet skal fastsetja instruks for Kontrollutvalet.

Representantskapet har sjølv, eller ved Kontrollutvalet, høve til å gå gjennom møtebøker, korrespondanse og rekneskapan. Vidare skal representantskapet sjølv, eller ved Kontrollutvalet, gå gjennom revisjonsprotokollen, kontrollere laget sin eigedom og at denne er halden forsvarleg i stand."

Ut frå dette har Representantskapet gitt følgjande instruks for Kontrollutvalet:

1. Kontrollutvalet blir vald av årsmøtet, blant representantskapets medlemmer for eitt år om gongen. Utvalet skal gå gjennom styret og administrasjonen sitt arbeid, og føre tilsyn med at organisasjonen fungerer i samsvar med lagslovene.
2. Kontrollutvalet skal ha møte minst ein gong om året, og kan ha møte fleire gonger dersom utvalet ut frå instruksen finn det naudsynt. Kontrollutvalet tek sjølve initiativ til møte, men må kontakta generalsekretæren i NSG, som har sekretæransvar for utvalet, om dette på førehand. Møta skal haldast i lokala til NSG på Ås. På møta skal Kontrollutvalet gå gjennom styreprotokollen, representantskapsprotokollen, og årsmøteprotokollen, og sjå til at verksemda vert driven i samsvar med lagslovene, og med dei vedtaka årsmøtet og representantskapet har gjort. Kontrollutvalet skal også sjå til at vedtak er følgt opp utan unødig opphald. Kontrollutvalet kan i særskilde tilfelle krevje framlagt protokollar, bilag, korrespondanse og andre dokument som er naudsynte for utvalet sitt arbeid, men kan ikkje ta med bøker og dokument frå lagskontoret. Styret, generalsekretær, kontorsjef og revisor pliktar å gje Kontrollutvalet dei opplysningar som trengs for at utvalet sin funksjon skal kunne utførast tilfredsstillande.
3. Kontrollutvalet skal gå gjennom revisjonsprotokollen eller andre merknader som er framsette av revisor, og sjå til at feil er tilfredsstillande retta eller forklart.
4. Utvalet skal gå gjennom laget sine verdiar, og sjå til at eigedom og inventar er forsvarleg vedlikehalde og forsikra.
5. I den utstrekning det er naudsynt, skal Kontrollutvalet gjennomføre ei synfaring av laget sine eigedomar.



Vedteke, 16.10.2018

6. Kontrollutvalet fører protokoll over møte, og fører inn dei merknader utvalet har gjort. Protokoll skal sendast ordføraren i representantskapet, styreleiar i NSG og leggjast fram for årsmøtet.
7. Kontrollutvalet skal legge innstilling om godtgjøring til tillitsvalde, gjeldande frå 01/01 kommande år, for representantskapet på det ordinære møte om hausten.
8. Medlemene i Kontrollutvalet har teieplikt med omsyn til det dei får kjennskap til gjennom sine funksjonar, bortsett frå det som er naudsynt i rapportar og uttalar til representantskapet.